



საქართველოს განათლებისა და მეცნიერების მინისტრი
ბრძანება № 745

თბილისი

„15“ 07 2015

საჯარო სამართლის იურიდიული პირის - შოთა რუსთაველის ეროვნული სამეცნიერო ფონდის სამეთვალყურეო საბჭოს წევრთა დანიშვნისა და „საჯარო სამართლის იურიდიული პირის - შოთა რუსთაველის ეროვნული სამეცნიერო ფონდის სამეცნიერო საბჭოს შემადგენლობის დამტკიცების შესახებ“ საქართველოს განათლებისა და მეცნიერების მინისტრის 2010 წლის 16 სექტემბრის N714 ბრძანების ძალადაკარგულად გამოცხადების შესახებ

„საქართველოს მთავრობის სტრუქტურის, უფლებამოსილებისა და საქმიანობის წესის შესახებ“ საქართველოს კანონის 21-ე მუხლის, საქართველოს ზოგადი ადმინისტრაციული კოდექსის 61-ე მუხლის, „საქართველოს განათლებისა და მეცნიერების სამინისტროს დებულების დამტკიცების შესახებ“ საქართველოს მთავრობის 2004 წლის 21 მაისის N37 დადგენილებით დამტკიცებული დებულების მე-3 მუხლის მე-2 პუნქტის „ა“ და „მ“ ქვეპუნქტების, „საჯარო სამართლის იურიდიული პირის - შოთა რუსთაველის ეროვნული სამეცნიერო ფონდის დაფუძნებისა და მისი წესდების დამტკიცების შესახებ“ საქართველოს განათლებისა და მეცნიერების მინისტრის 2010 წლის 28 ივლისის N62/ზ ბრძანების მე-2 პუნქტით დამტკიცებული წესდების მე-6 მუხლის მე-3 პუნქტის საფუძველზე და სსიპ - შოთა რუსთაველის ეროვნული სამეცნიერო ფონდის დირექტორის 2015 წლის 07 ივლისის N659985 წერილის გათვალისწინებით

ვბრძანებ:

1. სსიპ - შოთა რუსთაველის ეროვნული სამეცნიერო ფონდის სამეთვალყურეო საბჭოს წევრებად, 4 წლის ვადით, დაინიშნონ:
 - ა) თამარ სანიკიძე - საქართველოს განათლებისა და მეცნიერების მინისტრი;
 - ბ) გიორგი შარვაშიძე - საქართველოს განათლებისა და მეცნიერების მინისტრის მოადგილე;

- გ) მაია ცქიტიშვილი - საქართველოს მთავრობის ადმინისტრაციის უფროსი;
- დ) ირაკლი ქარსელაძე - კომპანიის "Old City Development" დირექტორის მოადგილე;
- ე) მზექალა შანიძე - პროფესორ-ემერიტუსი, სსიპ - ივანე ჯავახიშვილის სახელობის თბილისის სახელმწიფო უნივერსიტეტის რექტორის მრჩეველთა საბჭოს წევრი, საქართველოს მეცნიერებათა ეროვნული აკადემიის აკადემიკოსი;
- ვ) როჯერ ქაშმორი - პროფესორი, ოქსფორდის უნივერსიტეტი, გაერთიანებული სამეფოს ატომური ენერგიის მმართველი სააგენტოს თავმჯდომარე, CERN-ის ყოფილი დირექტორი, გაერთიანებული სამეფო;
- ზ) მარტ საარმა - პროფესორი, ჰელსინკის უნივერსიტეტის ბიოტექნოლოგიის ინსტიტუტის მოლეკულური ნეირომეცნიერებების ლაბორატორიის დირექტორი, ევროპული კვლევების საბჭოს ვიცე-პრეზიდენტი, ფინეთი;
- თ) მელიტა კოვაჩევიჩი - პროფესორი, ზაგრების უნივერსიტეტი, განათლებისა და რეაბილიტაციის ფაკულტეტი, ევროპული უნივერსიტეტების ასოციაციის სადოქტორო სწავლების საბჭოს მმართველი საბჭოს თავმჯდომარე;
- ი) ნილ მაკფარლენი - ლესტერ ბ. პირსონის პროფესორი, ოქსფორდის უნივერსიტეტი, წმ. ენის კოლეჯის პოლიტიკისა და საერთაშორისო ურთიერთობების დეპარტამენტი, ოქსფორდის უნივერსიტეტის მმართველი საბჭოს წევრი, გაერთიანებული სამეფო;
- კ) ზაალ (ზაზა) კოკაია - პროფესორი, ლუნდის უნივერსიტეტი, ღეროვანი უჯრედების ცენტრის დირექტორი, შვედეთი;
2. ძალადაკარგულად გამოცხადდეს „საჯარო სამართლის იურიდიული პირის - შოთა რუსთაველის ეროვნული სამეცნიერო ფონდის სამეცნიერო საბჭოს შემადგენლობის დამტკიცების შესახებ“ საქართველოს განათლებისა და მეცნიერების მინისტრის 2010 წლის 16 სექტემბრის N714 ბრძანება;
3. ბრძანება ძალაშია ხელმოწერისთანავე;
4. ბრძანება შეიძლება გასაჩივრდეს მისი გამოცემიდან ერთი თვის ვადაში თბილისის საქალაქო სასამართლოში (მის: ქ. თბილისი, აღმაშენებლის ხეივანი მე-12 კმ, №6).

თამარ სანიკიძე

